

SA NOVENA DE PASCHA ‘E NADALE



CREDITS E RESPONSABILITÀ

La Novena tutta in sardo è stata celebrata per la prima volta nella parrocchia di S. Eulalia nel 2008. Questo "libretto" è una riedizione del sussidio usato l'anno scorso, con modifiche di traduzione e arricchimento di testi e musiche.

Marcello Deidda, al violino; **Valentina Deidda** all'organo.

Antioco e Paolo Ghiani: traduzione, composizione o verifica dei testi sardi della Novena in variante centro-meridionale.

Gianni Loy: testi in sardo di *Note de paghe*, p. 34; *Tui calas de su celu*, p. 34; *Cun boxi crara* (En clara vox), p. 37.

Piero Marras: Musiche di: *Ammanitzade*, p. 16; *Faghe, o Segnore*, p. 19-20; *Magnificat "a innu"*, p. 28-29; *Bene énnidu, Segnore*, p. 30; *Padre nostro e parti comuni della comunione*, p. 25; cura della produzione dei compact disc.

Graziano Orro: Musiche di: *Suspirat a tui, Signori*, p. 21; Acclamazioni *Mannu est su miſtériu*, p. 24; *Benénnidu, Signori*, p. 32-33; trascrizioni delle musiche gregoriane.

Mario Puddu: traduzione dei testi della Presentazione e del *Concilio Plenario Sardo*, pp. 8-15; *Ammanitzade*, p. 16; *Faghe, o Segnore*, p. 19-20.

Socrate Seu: traduzione, composizione o verifica dei testi sardi della Novena in variante centro-settentrionale.

Antonio Pinna e Istituto di Scienze Religiose di Oristano: cura di tutto l'insieme, revisione delle traduzioni, realizzazione grafica.

In copertina: Antonio Mura, *Madonna con bambino*, tempera su tela, cm. 46,5x45,5, collezione privata, Sassari. Elaborazione grafica di **Daniele Pani**.

Sa novena est una isperiéntzia bella de sa fide nosta chi faeus aspetandho sa naschia de Cristos e sa limba sarda in is pregadorias dhue ponet sentidos fortes e una manera noa de dhas faere. Is funtziones de sa novena leant una identidade diferente ca fintzes su sonu est sensu e sa paràula si faet càntigu. Est unu manígiu nou de sa traditzione religiosa chi si presentat coment'e unu modu incultrau – in sa cultura nosta – de sentire s'Incarnatzione de su Verbu, sa Paràula chi si est fata a carre e sàmbene in s'istòria. Deosi no seus torrandho a su passau, ca sa paràula, e deasi sa fide, funt cosas de su presente e dónnia borta est unu fatu nou, est de e dh'agataus in su tempus nostu, in s'istòria chi seus faendho.

Sa novena in sardu nosi mutit a una ispiritualidade chi sa fide populare at incarnau in su géniu de sa limba, chi est un'errichesa de is foedhos e de is funtziones.

In dónnia limba su sensu est in su sonu: “*Is montis portint frutu de paxi, dógnia campura portit frutu de giustítzia*”. Montis e campuras, barbàgias e campidanos, non funt solu in su salmu, ma in sa geografia de su logu, dhos teneus innoghe, est sa terra nosta brindhada a batire oe frutos de arresone e de paghe.

“*Faghe, Segnore, chi sa mente mia sempre prus pisset a manera tua... chi su coro meu ištmet sempre prus comente a Tie... chi su pede meu caminet sempre prus abbia a Tie... chi sas manos mias sempre prus serbant cun s'òpera tua*”. Sa pregatoria si faet mente e coro, peis e manos, si ofrit coment'e corpus, po arrespòndhere a sa Paràula eterna e universale chi, fata a carre e sàmbene, donat fintzes a sa paràula provisória e locale unu valore chi no morit.

Su fuedhu in sardu arrennescet a interessare sa gente ca, fintzes candho no foedhat su sardu, intendhet de prus su mistériu che si est acortzindho incarnau in is foedhos e in su càntigu.

Is testos in tradutzione de su latinu, o fintzes de su grecu, po su Magnificat, funt cussos connotos de sa traditzione po sa Novena de su Naschimentu e si arregodant, de a minores, totu paris cun sa melodia de is músicas, fintzes sentza ndhe cumprèndhere bene cun bene su significau, deasi meda incantaiant in is funtziones de sa novena.

Si est lassau in latinu su testu de is Antífonas a su Magnificat, cussas chi si narant de “O” (ca totu cumènciant cun su vocativu foedhandho a Cristos-Messia).

Una traditzione si mantenet fintzes si si annoat e addatat a is tempos. Po cussu dhue at “innestos” noos, de testos e de música, cunforma, credeus, a su géniu de s'ànimu sardu chi narat su Concíliu Plenàriu, e de custu Concíliu aus postu is partes chi méngius pertocant s'inculturazzone de sa fide in Sardigna.

Unu sussíduu po preparare sa Novena, pruschetotu po is càntigos, si agatat no solu in custu “libbrighedhu”, ma fintzes in su giassu internèt www.sufueddu.org ue faet a asciurtare is músicas cun su testu in sardu.

La novena in lingua sarda è un'esperienza di fede che vive in maniera singolare l'avvento della nascita di Gesù. La specificità della lingua dona alla preghiera sentimenti profondi di partecipazione e crea un'atmosfera di sensibilità rinnovata. Il rito acquista una sua identità per l'intensa relazione tra suono e senso, tra canto e parola. È rielaborazione di una ricca tradizione religiosa, ma si pone come un modo inculturato di vivere l'Incarnazione del Verbo, della Parola fatta carne e sangue nella storia. Non è un ritorno al passato perché l'atto di parola e di fede non è cronologico: ciascuna volta è originale, trova ed esprime il proprio tempo, la propria storia.

La novena in sardo ci chiama a una spiritualità che una storia di fede popolare ha incarnato nello spirito della lingua. È una ricchezza che si pone come investimento spirituale della parola e del rito.

In ciascuna lingua il senso è mescolato al suono: “*Is montis portint frutu de paxi, dognia campura portit frutu de giustizia*”. *Montis e campuras*, barbagie e campidani, sono, non più solo nel salmo, ma ormai nella nostra propria geografia, vicine a noi, e anzi sono tutta la nostra stessa terra che viene invitata a portare oggi frutti di giustizia e di pacificazione.

“*Faghe, Signore, chi sa menti mia sempre prus pesset a manera tua... chi su coro meu istimet sempre prus comente a Tie... chi su pede meu caminet sempre prus abbia a Tie! ... chi sas manos mias sempre prus serbant cun s'òpera tua!*”. Una preghiera che si fa corpo, si offre come corpo, in risposta a una Parola eterna e universale che, fatta corpo e sangue, dà valore globale e duraturo a ogni parola provvisoria e locale.

La parola in lingua sarda crea un'atmosfera coinvolgente anche tra i fedeli che, pur non avendo competenza attiva della lingua, avvertono il mistero che si fa vicino, incarnato nella parola e nel canto.

I testi proposti in traduzione dal latino, o anche dal greco per il Magnificat, sono quelli conosciuti dalla tradizione diffusa della Novena di Natale e conservati nella memoria, fin dall'infanzia, in collegamento alle melodie caratteristiche, pur senza comprenderne veramente il significato, tanto forte era la suggestione esercitata da quella esperienza del tempo natalizio.

I testi delle Antifone al Magnificat sono stati conservati in latino, e limitatamente alle Antifone cosiddette “O” (in quanto cominciano tutte con un vocativo rivolto al Cristo-Messia).

Una tradizione si mantiene se è anche capace di rinnovarsi e di adattarsi allo spirito dei tempi., e per questo sono presenti degli “innesti” nuovi, sia di testi, sia di melodie, conformi, crediamo, a quello spirito dell'animo sardo di cui parla il Concilio Plenario, del quale abbiamo riportato le riflessioni che più da vicino riguardano l'inculturazione della fede nella nostra isola.

Un sussidio per la preparazione, e soprattutto per i cantori, viene reso disponibile, oltre che con il presente “libretto”, e con la possibilità di ascoltare le melodie tradizionali, cantate con il testo sardo, sul sito internet www.sufueddu.org.

Don Mario Cugusi, Bachisio Bandinu, Antonio Pinna

NOVENA DE PASCHA 'E NADALE

I) RITUS A S'INTRADA

SALUDU DE SU PRESIDENTI

V. In nòmini de su Babbu, de su Fillu e de s'Ispíridu Santu.

R. Amen.

V. Sa gràtzia de su Segnori nostru Gesu-Cristu, s'amori de Deus e sa comunioni de s'Ispíridu Santu siat cun totu bosàterus.

R. E siat cun tegus puru

Solu: Ecu, dèu ap'a benni allestru, e ap'a betì cun mei sa paga,

Totus: Po torrai a dognunu cufromma a s'òbera sua.

S. Dèu seu sa A e sa Zeta, narat su Segnori Deus:

T. Su primu e s'úrtimu, Su chi fiat, Su chi est e Su chi at a benni.

S. S'Ispíridu e s'isposa nant: Beni!

T. E chini iscurtat torrit a nai: Beni!

S. Chini tenit sidi, bèngiat!

T. Chini bolit, umprat àcua de vida.

S. Chini atestat custas cosas narat: Eja, ap'a benni allestru!

T. Amen-Gésus! Beni, Segnori Gesùs!

V. In nomen de su Babbu e de su Fizu e de s'Ispíridu Santu.

R. Amen.

V. Sa gràtzia de su Segnore nostru Gesu-Cristu, s'amore de Deus e sa comunione de s'Ispíridu Santu siat cun totu bois.

R. E siat cun tegus puru.

Solu: Acò, deo apo a bènnere allestru, e apo a batire cun megus sa paga,

Totus: Pro torrare a cadaunu cufromma a s'òbera sua.

S. Deo so sa A e sa Zeta, narat su Segnore Deus:

T. Su primu e s'últimu, Su chi fit, Su chi est e Su chi at a bènnere.

S. S'Ispíridu e s'Isposa narant: Beni!

T. E chie iscultat torret a nàrrere: Beni!

S. Chie tenet sidis, benzat!

T. Chie cheret, umprat abba de vida.

S. Chie atestat custas cosas narat: Emmo, apo a bènnere allestru!

T. Amen-Gésus! Beni, Segnore Gesùs!

INVITATORIU O CANTU DE IS PROFETZIAS

S. e T. Regem venturum, Dominum, Venite, adoremus

Opuru:

S. e T. Lompendi est su Segnori: benei a dd'adorai.

S. e T. Regem venturum, Dominum, Venite, adoremus

Opuru:

S. e T. Lompendhe est su Segnore: Benide a l'adorare.

(sa scritura sentza de sa mùsica a sa p. 8)




Re - gem ven - tu - rum Do - mi - num, ve - ni - te a - do - re - mus.

Lom-pen-dhe est su Se - gno - re: be - ni - de a l'a - do - ra - re.
Lom-pen - di est su Se - gno - ri: be - nei a dd'a - do - ra - i.

S'úrtima orta de s'úrtima di:

Ac - can - ta est su Se - gno - re: be - nei a dd'a - do - ra - i.
A - cur - zu est su Se - gno - re: be - ni - de a l'a - do - ra - re.

CANTU DE IS PROFETZIAS



in is dis cosa sua ant a infroriri giustizia e paxi in ab - bun - dan - tzia.

To - tu is ureis dh'ant a adorai / e dd'ant a serbiri tutu is gen - tis de sa ter - ra. *Rit.*

6. At a nasci in mesu nostu unu pipiu, / e dd'ant a narri De - us for - ti

Is - su si at a setzi in sa sea de Davidi su babbu e at a esseri su re - i no - stu;

a is - su apartenint fortza, sa- pi - en tzia e re - gniu. *Rit.*

7. Betlemmi, citadi de su Deus Soberanu / de tui ndi at a benni su Segnori de I - sra - e - li:

is o - riginis suas funt de su printzipiu de is dis de s'e- ter - ni - da - di,

e in su mundu dd'ant a connosci man - nu e bo - nu; sa ben - nida sua at a beti sa pa xi in ter - ra no - sta.

Rit.
S'urtima dì si aciungit:

8. Benei / su tempus de sa sarvesa est lom - pen - du.

Cras e - totu dd'eis a biri e po nos at a regnai su Sal- va - do ri'e su mun - du. *Rit.*

CANTU DE SAS PROFETZIAS

Lom - pen-dhe est su Se - gno - re: be - ni - de a l'a - do - ra - re.

1. Gosa, fiza de Sion, / allègradi, fiza de Ge- ru - sa - lem - me:
 a - co, su Segnore at a bènnere, e in cussa die at a fàghere la - real - le - gras;
 una lughe manna; / Dae sos montes sas abbas ndhe ant fa -

Rit.
 pro i-te at a bènnere unu proféta mannu / e isse at a annoare sa cittadede Ge ru - sa lem - me.

2. Acò, at a bènnere su Deus umanadu | isse s'at a sètzere in s'is- cran - nu de Dà - vi - de;
 bo - is etotu l'azis a bidere | le - gra re su co - ru bos - tri.
 e si ndhe at a al-

Rit.
 3. Acò, at a bènnere su Segnore, s'Amparu nostu, | de su re - gnu
 su Santu de Israele; | in conca at a giùghere sa corona

Rit.
 e at a cumandare de mari a mare, | mas la ca - nas de sa ter - ra.
 fintzas a is urti-

4. Acò, at cumparrere su Segnore, / ràu - la su - a;
 e at a mantènnere sa pa -

Rit.
 si no benit luego, bizade au - se - ten - delu,
 ea at a bènnere e no at a i - sten ta - re.

5. Su Segnori at a falare coment'e abba de chelu be - ne - di - ta,

in sas dies suas ant a frorire giustizia e paghe in ab - bun - dhan - tzia.

To - tu sos res l'ant a adorare | sas gen tes de sa ter - ra. *Rit.*

6. At a nàschere pro nois unu pitzinnu, | e l'ant a nàrrere De - us for - te

is - se at a sètzere in sa sea de Dàvide, babbu suo, e at a èssere su re no - stru;

a is - se apartenent fortza, sa- bi - en tzia e re - gnu. *Rit.*

7. Betlemme, tzitade de su Deus Soberanu, | dae a tie ndi at a bènnere su Segnore de I - sra - e - le:

sas o - rigines suas sunt dae su printzìpiu de sas dies de s'e- ter - ni - da - de,

e in su mundu l'ant a connòschere man - nu_e bo - nu; *Rit.*

sa bén - nida sua at a batire sa pa ghe in ter - ra no - stra.

S'ultima die si agitunghet:

8. Benide, | su tempus de sa salvesa est lom - pen - dhe.

Cras e totu l'eis a bidere | e pro nois at a regnare su Sal- va - do re'e su mun - dhu. *Rit.*

1. Gosadindi, sa filla de Sion, | alligradindi,
sa filla de Gerusalemme : + *ecu*, su Segnori
at a benni, | e cussa dí si at a fai una luxi
manna. | De is montis e de is serras is àcuas
ndi ant a *calai* alligras, * *ca benit* unu profeta
mannu | e issu at a arrennoai sa citadi *de*
Gerusalemme.

2. Ecu, at a benni su Deus umanau | issu si
at a setzi in s'iscannu de Dàvidi: + *bosatrus*
etotu dd'eis a biri | e si ndi at a *alligrai* su
coru bostu.

3. Ecu, at a benni su Segnori, s'Amparu
nostru, | su Santu de Israeli; | in conca at
a portai sa corona **de** su régnui, + *e at* a
cumandai de mari a mari, | fintzas a is
úrtimas lácanas de *sa terra*.

4. Ecu, at a cumparri su Segnori, | e a fueddù
spéndiu non at **a** mancai + *chi no* benit
luegu, billai abetendu ~ ca at a benni e **no at**
a istentai.

5. Su Segnori at a abasciai cumenti àcua de
celu **beneita** + *in is* dis cosa sua ant a inforriri
giustitzia e paxi in *abbundàntzia*. * *Totu* is
urreis dd'ant a adorai | e dd'ant a serbiri totu
is **gentis** de *sa terra*.

6. At a nasci in mesu nostu unu pipiu, | e
dd'ant a narri **Deus** forti + *Issu* si at a setzi in
su tronu de Dàvidi su babbu | e at a èsseri su
rei nostu; * *a issu* apartenint fortza, **sapiéntzia**
e régnui.

7. Betlemmi, citadi de su Deus Soberanu |
de tui ndi at a benni su Segnori de **Israeli**: +
is originis suas funt de su printzìpiu de is dis
de s'eternidadi, ~ e in su mundu dd'ant a
connosci mannu e bonu; * sa bénnida sua at
a betì *paxi* in *terra nostra*.

S'úrtima dí si aciungit:

8. Benei, | su tempus de sa sarvesa **est**
lompendu. + *Cras* etotu dd'eis a biri | e po nos
at a regnai su **Salvadòri** 'e su mundu.

Si finit cun:

S. Acanta est su Segnori **T.** Benei a
dd'adorai.

1. Gosa, fiza de Sion, | allègradi, fiza de
Gerusalemme: + *Acò*, su Segnore at a
bènnere | e in cussa die si at a faghère una
lughe manna; | dae sos sos montes sas
abbas ndhe ant a falare allegras, * *proite* at
a bènnere unu profeta mannu | e isse at a
annoare sa citade *de* **Gerusalemme**.

2. Acò, at a bènnere su Deus umanadu | isse
s'at sètzere in s'iscrannu de Dàvide; + *bois*
etotu l'azis a bídere | e si ndhe at a *allegrare*
su *coro* bostru.

3. Acò, at a bènnere su Segnore, s'Amparu
nostru, | su Santu de Israele, | in conca at
a giúghere sa corona **de** su regnu. + *e at* a
cumandhare dae mare a mare, | fintzas a sas
úrtimas lácanas de *sa terra*.

4. Acò, at a cumpàrrere su Segnore | e at a
mantènnere sa *paràula* sua, + *si non* benit
luego, bizade *aisetèndhelu*, ~ ca at a bènnere
e **no at** a ištentare.

5. Su Segnore at a falare coment'e abba de
chelu **beneita** + *in sas* dies suas ant a frorire
giustitzia e paghe in *abbundàntzia*. * *Totu* sos
res l'ant a adorare | e l'ant a servire totu
sas zentes de *sa terra*.

6. At a nàschere pro nois unu pitzinnu | e
l'ant a nàrrere **Deus** forte: + *isse* at a sètzere
in su tronu de Dàvide, babbu suo, | e at a
èssere su *re nostru* * *a isse* apartenent fortza,
sabiéntzia e regnu.

7. Betlemme, tzitade de su Deus Soberanu, |
dae a tie at a bènnere su Segnore de Israele, +
sas orígenes suas sunt dae su printzìpiu de sas
dies de s'eternidade, ~ e in su mundhu l'ant a
connòschere mannu e bonu; * sa bénnida sua at
a batire *paghe* in *terra nostra*.

S'última die si agiunghet:

8. Benide, | su tempus de sa salvesa **est**
lompendhe. + *Cras* etotu l'azis a bidere | e pro
nois at a regnare su **Salvadore** 'e su mundhu.

S. Acurtu est su Segnore: **T.** Benide a
l'adorare.

II) RITUS DE SA PARÀULA

Sa primu dí

Una evangelizatzioni noa, coment'e una "implantatio" noa, depit arriconnòsciri cun prus craresa su chi distinguit is Sardus.

De su Concíliu Plenàriu Sardu

I § 1. Is dexi Diòcesi chi teneus in Sardigna, parti sintzilla de su pòpulu de Deus audi est abberu presenti e bia sa Crésia de Cristus, fuit ascurtendhi a su Segnori, chi at nau a is Discépulos suos: “Andai in totu su mundu e predicai s’Evangéliu a dònnia creatura” (Mc 16,15). Orbescendi su de tres millénnius cristianus, custa missione in calencuna manera “est ancora cumentzendi” (G.P. II, *Redemptoris missio*, n. 1): su cambiamentu mannu chi est fendi sa genti de is tempus nostus *arrechedit una “implantatio” evangélica noa*. Is Crésias diocesanas de sa Sardigna, isciendi chi no depit fartai s’agiuu torrau de s’una cun is àteras po chi si potzat fai cun profetu òpera de evangelizatzioni, si atóbiant in Concíliu Plenàriu po si pregontai ita totu pertocat is dificurtadis chi dipendint de sa cultura distintiva de is Sardus de oi.

§ 2. Si castiaus su pòpulu sardu – bistu aintru de sa cultura occidental – e fatu contu chi sa Crésia in Sardigna si ndi cunsiderat parti bia, arresurat craru chi issa etotu est oi sugeta a cambiamentu lestru, cun totu chi dha distinguint in manera forte piessignus originalis. Totu custu tzériat sa Crésia de Deus in Sardigna a fai una evangelizatzioni noa, chi fatzat crèsciri su cristianésimu in su pòpulu nostu e, innantis de totu, su cristianésimu in is comunidades eclesialis, in sa filada e in s’idea de “fai resaltau su chi prus distinguit e dexit a is Sardus”.

Sa segunda dí

Sa Sardigna si obèrgiat a totu su mundu po èssiri prus arrica e no prus pòbera.

De su Concíliu Plenàriu Sardu

3. Su pòpulu sardu de oi faci a is valoris predicaus in is Evangélius.

§ 1. Is Sardus sentint su proprio *clima culturali occidentali* fatu de pluralismu e de diversidadis. In

Sa prima die

Una evangelizazione noa, coment'e una “implantatio” noa, depet riconnòschere cun prus craresa su chi distinghet sos Sardos.

De su Concíliu Plenàriu Sardu

I § 1. Sas deghe Diòcesi chi tenimus in Sardigna, parte sintzilla de su pòpulu de Deus inue est abberu presente e bia sa Crésia de Cristos, sunt iscurtendhe a su Segnore, chi at nadu a sos Discépulos suos: “Andhade in totu su mundhu e preigade s’Evanzéliu a donzi creatura” (Mc 16,15). Abbreschindhe su de tres millénios cristianos, custa missione in carchi manera “est ancora comintzendhe” (G.P. II, *Redemptoris missio*, n. 1): su cambiamentu mannu chi est faghindhe sa zente de sos tempos nostros *rechedit una “implantatio” evangélica noa*. Sas Crésias diocesanas de sa Sardigna, ischindhe chi no depet fartare s’azudu torradu de s’una cun sas àteras pro chi si potat faghore cun profetu òpera de evangelizazione, si abbòjant in Concíliu Plenàriu pro si pregontare ite totu pertocat sas dificurtades chi dipendhent de sa cultura distintiva de sos Sardos de oe.

§ 2. Si abbaidamus su pòpulu sardu – bidu intro de sa cultura occidentale – e fatu contu chi sa Crésia in Sardigna si ndhe cunsiderat parte bia, resurtat craru chi issa etotu est oe suzeta a cambiamentu lestru, cun totu chi la distinghent in manera forte piessignos originales. Totu custu cramat sa Crésia de Deus in Sardigna a faghore una evangelizazione noa, chi fetat crèschere su cristianésimu in su pòpulu nostru e, innantis de totu, su cristianésimu in sas comunidades eclesiales, in sa filada e in s’idea de “faghore resartare su chi prus distinghet e deghet a sos Sardos”.

Sa segundha die

Sa Sardigna si abbèrzat a totu su mundhu pro èssere prus rica e no prus pòvera.

De su Concíliu Plenàriu Sardu

3. Su pòpulu sardu de oe abbia a sos valores preigados in sos Evanzelios.

§ 1. Sos Sardos sentint su matessi *clima culturale occidentale* fatu de pluralismu e de diversidades.

s'istòria sua sa Sardigna at passionau po medas iscòrrius: Cabu 'e susu e Cabu de bàsciu, medas bidhas e in is bidhas is famílias anti connotu, fintzas in tempus acanta, discòrdias e disamistadis; cun totu cussu, *unu patrimóniu de valoris religiosus, moralis e culturalis comunus* anti fatu unidadi inter totus is Sardus. In tempus de oi, però, si una facilidadi mai connota de comunicai cun su restu de su mundu fait prus arricu de benis e de capaciadis su pòpulu nostu, dhu ponit fintzas *in perigulu de malatratai s'identidadi sua alimentada meda de fidi cristiàna* e de fai crèsciri diferéntzias mannas in sa manera sua de biri su mundu e sa vida. S'irvilupu est lestru e s'ispéndhiu de su nou po su prus *portat pruscatotu is giòvunus a pèrdiri is valoris de su connotu*, lassendi aici sa nébida in s'ànima, s'iscinitzu, sa farta de seguresa e sa timoria po su tempus benidori. Perdendi sa fidi in Deus, chi est su solu chi podit donai sa paxi, si comprendit fintzas prus pagu su sensu de sa vida.

Sa tertia di

Dificurtadis e isperàntzias po sa famíglia e po sa fémina a dis de oi in Sardigna.

De su Concíliu Plenàriu Sardu

3 § 3. Sa genti in Sardigna at biu sèmpiri sa famíglia coment'e cosa firma e segura: *logu de ištima, de agiudu, iscola de valoris e de fide cristiàna*. Immoi su concordu de sa famíglia e s'idea etotu de famíglia funti perdendi valori e importu. Is dificurtadis e debbilesas de custu primu 'logu' de is rapportus umanus, chi at sèmpiri tentu a fundamentu un'istima sintzilla e fideli, benint, e funti efetu e càusa, de sa crisi de sa comunidadi humana prus manna.

3 § 4. In is cambiamenti de sa cultura de oi dhu'intrat e meda sa fémina po totu su chi est. Is Sardus anti sèmpiri cussiderau sa fémina cun onori coment'e mama e coment'e mulleri e po cussu sa fémina at tentu unu ruolu importanti in sa famíglia e in sa bidha.

Sa realtadi de su mundu de oi e s'idea noa chi tenet de issa etotu portat sa fémina a fai unu trabballu professionali, culturali e políticu chi arrechedit un'àtera manera de èssiri, arrechedit un'àteru echilibbriu mentali, una manera differenti de èssiri fémina in sa famíglia e in sa comunidadi; *e po cussu*

In s'istòria sua sa Sardigna at passionadu pro medas discòrdias: Cabu de susu e Cabu de zosso, medas bidhas, e in las bidhas las famíllias, ant connotu fintzas in tempos reghentes discòrdias e disamistades; cun totu cussu, *unu patrimóniu de valores religiosos, morales e culturales comunes* ant fatu unidade inter totu sos Sardos. In tempos de como, però, si una fatzilidade mai connota de comunicare cun su restu de su mundhu faghet prus ricu de benes e de capatzidades su pòpulu nostru, lu ponet fintzas *in perigulu de malatratare s'identidade sua alimentada meda de fide cristiàna* e in perigulu de faghore crèschere diferéntzias mannas in sa manera sua de bídere su mundhu e sa vida. S'irvilupu est lestru e su disizu mannu de su nou po su prus *cónchinat mescamente sos zòvanos a pèrdere sos valores de su connotu*, lassendhe degoi sa néula in s'ànima, su dilliriu, sa farta de seguresa e sa timoria pro su tempus benidore. Si perdimus sa fide in Deus, chi est su solu chi podet dare sa paghe, comprehendimus prus pagu fintzas su sensu de sa vida.

Sa tertia die

Dificurtades e isperàntzias pro sa famíllia e pro sa fémina a dies de oe in Sardigna.

De su Concíliu Plenàriu Sardu

3 § 3. Sa zente in Sardigna at bidu sèmpere sa famíllia coment'e cosa firma e segura: *logu de ištima, de azudu, iscola de valores e de fide cristiàna*. Como su concordu de sa famíllia e s'idea etotu de famíllia sunt perdindhe valore e importu. Sas dificurtades e debbilesas de custu primu 'logu' de sos reportos umanos, chi at sèmpere tentu a fundhamantu un'istima sintzilla e fideli, benint, e sunt efetu e càusa, de sa crisi de sa comunidade humana prus manna.

3 § 4. In sos cambiamenti de sa cultura de oe b'intrat e meda sa fémina pro totu su chi est. Sos Sardos ant sèmpere cussiderau sa fémina cun onori coment'e mama e coment'e muzere e pro cussu sa fémina at tentu unu ruolu importante in sa famíllia e in sa bidha.

Sa realtade de su mundhu de oe e s'idea noa chi tenet de issa etotu cossizat sa fémina a faghore unu triballu professional, culturale e políticu chi rechedit un'àtera manera de èssere, rechedit un'àteru echilibbriu mentale, una manera diferente de èssere fémina in sa famíllia e in sa comunidade; *e pro cussu*

tocat chi sa comunidadi e sa Crésia tèngiant un'àtera manera de fai faci a sa fémina cun s'óferta de servitzius e de possibbilitadis noas.

Sa cuarta dí

Unas cantu “isperàntzias” de cambiamentu de sa Sardigna de oi: su rapportu cun s’Istadu italiano, su sderruimentu de is bidhas, sa disocupatzioni, malis nous, emigratzioni.

De su Concíliu Plenàriu Sardu

3 § 5. *Medas Sardus binti s’Istadu italiano coment'e separau, fintzas iſtrangi e contràriu, cosa allena. A su chi est s’istòria chi at portau a tènniri cust’idea si depit aciúngiri oi a bortas sa pagu atentzioni, sa farta de is istituzionis de s’Istadu po currespòndiri a custas isperàntzias e deretus de sa genti.*

Chistionis de pagu profetu e de currumpimentu in is amministratzionis pubblicas fainti benniri mancu sa fidi in s’Istadu, in is amministratzionis e amministradoris localis. Totu custu iscundordat cun su bèni comunu.

§ 6. Si castiaus a su movimentu demogràficu de sa Sardigna, bieus ca funti menguendi meda is nascidas e po cussu etotu arresurtat una popolatzioni imbeciada. Dhoi at un’isbandonu mannu e a sa sighia de medas bidhas, pruscatotu is chi tenint un’conomia de campu e de pastori, ca sa genti est andendisindi a logus chi dhoi at prus possibbilitadis de trabballu. Totu custu cundennat su benidori de sa Sardigna e dhi donat una bisura differenti po totu su chi at a èssiri sa vida e fintzas s’organizatzioni pastorali de sa Crésia, presenti fintzas a immoi in dónnia logu po commenti fut istérria sa genti me is bidhas.

§ 7. Is Sardus funti connoscendi unu tempus de disocupatzioni meda, a bortas cun cunseguéntzias gravis: po is efetus disastruos chi fait, custu arrechedit s’interessamentu mannu de sa Crésia puru, mandada po annuntziai a sa genti chi Deus dh’istimat e si nd’incurat, e a cundennai is pecaus socialis e su chi podit èssiri ritardu o trascuru dipéndiu de is amministradoris. Sa disocupatzioni pertocat pruschetotu is giòvunus e po cussu própiu issus funti sugetus a si pèrdiri de ànimu, a si lassai andai a una vida chene idealis – si no própiu a circai soddisfatzionis in cosas de perunu contu o fintzas fendi mali –, o funti cundennaus a emigrati.

tocat chi sa comunità e sa Crésia tenzant un’àtera manera de faghèrre cun sa fémina cun s'óferta de servitzios e de possibbilitades noas.

Sa cuarta die

Unas cantu “isperàntzias” de cambiamentu de sa Sardigna de oe: su rapportu cun s’Istadu italiano, su derruimentu de las bidhas, sa disoccupazione, males noos, immigrazione.

De su Concíliu Plenàriu Sardu

3 § 5. *Medas Sardos bident s’Istadu italiano coment'e separadu, fintzas iſtranzu e contràriu, cosa anzena. A su chi est s’istòria chi at batidu a si faghèrre cust’idea si depet azúnghere oe a bortas sa pagu atenzione, sa farta de las istituziones de s’Istadu pro currispòndhere a custas isperàntzias e diritos de sa zente. Chistiones de pagu profetu e de currumpimentu in las amministratziones pubblicas faghent bennire mancu sa fide in s’Istadu, in las amministratziones e in los amministratori locales. Totu custu iscundordat cun su bene comunu.*

§ 6. Si abbaidamus a su movimentu demogràficu de sa Sardigna, bidimus chi sunt miminendhe meda las nascidas e pro cussu etotu resurtat una popolazione imbetzada. Bi at un’abbandho-nu mannu e a sa sighida de medas bidhas, mescamente cudhas chi tenent un’conomia de campu e de pastori, ca sa zente est andhendhesindhe a logos chi bi at prus possibbilitades de triballu. Totu custu cundennat su benidore de sa Sardigna e li daet una bisura differente pro totu su chi at a èssere sa vida e fintzas s’organizzazione pastorale de sa Crésia, presente fintzas a como in totue pro comente fit istérrida sa zente in las bidhas.

§ 7. Sos Sardos sunt connoschindhe unu tempus de disoccupazione meda, a bortas cun cunseguéntzias gravis: pro sos efetos disastruos chi faghet, custu rechedit s’interessamentu mannu de sa Crésia puru, mandhada pro annuntziare a sa zente chi Deus l’istimat e si ndhe incurat, e a cundennare sos pecados sociales e su chi podet èssere ritardu o trascuru dipesu de los amministratori. Sa disoccupazione pertocat mescamente sos zòvanos e pro cussu própiu issos sunt suzetas a si pèrdere de ànimu, a si lassare andhare a una vida chene ideales – si no própiu a chiricare soddisfatziones in cosas de perunu contu o fintzas faghindhe male –, o sunt cundennados a emigrare.

Sinnalis de isperàntzia, s'unidadi e sa créschia culturali de is Sardus.

De su Concíliu Plenàriu Sardu

4 § 1. Nosi praxit immoi de fai a biri unus cantu sinnalis bonus de sa realtadi de oi de su pòpulu nostu. Difatis, ca credeus in su Segnori arresuscitau seus segurus chi in sa realtadi de is Sardus, che in totu su Mundu, est sèmpiri presenti e nosi ànimat s'Ispíridu Santu, chi si fait a biri cun medas sinnalis de bène e de isperàntzia incarnaus in su coru e in sa vida de sa genti nosta puru: su disígiu ispedhiosu de un'àtera calidadi de sa vida, su servitziu contivigiosu e onestu, su bonu acatu po is istràngius, is sinnalis de paxi e de perdonu, su contivigiu de is voluntàrius po is malàdius suferentis, su sensu de s'arrexoni e su disígiu de paxi, s'agiudu a chini tenit bisóngiu, s'arrespetu po sa dignidadi de s'ómini e de sa fémina, sa nàscia de àterus valoris, su bisóngiu de sintzillidadi, su disígiu de istai che fradis, un'ànimu prus che àteru religiosu.

4 § 4. Is Sardus, po cantu differentis de unu logu a s'àteru, *tenint un'identidadi unitària manna*. Si podit fuedhai diaderus de “pòpulu sardu”, *cun piessignus suus culturalis diślittivus e una língua cosa sua*. Custu ispiegat *su sentido de èssiri Sardus, genti de Sardigna*, de tènniri una *sardidadi*, càrriga de cultura cristiana, carculada arrichesa umana de allogai e de contivigiai.

Sa sesta dí

S'annúntziu de su Vangelu depit èssiri sèmpiri incarna e innestau in sa cultura de sa genti.

De su Concíliu Plenàriu Sardu

84 § 1. Medas e differentis funt is culturas chi si agatant, nàscias gràtzias a sa capacidadi ratzionali e simbólica de sa persona humana, cosa chi anti formau is pòpulus differentis e chi s'istòria si at fatu connòsciri, e s'esisténtzia etotu de su cristianu si agatat **in d-una cultura distinta**. Sa Crésia, nàscida de su Fuedhu de Deus fatu a Ómini, in sa missione sua andat avatu de sa lògica de s'incarnazioni: *piyat sa realtadi de sa vida humana, istòrica, chi est sa cultura de sa genti, dhoi ponit arrèxinas e, comenti fait su frammentu in sa pasta* (cf. Mt 13, 33), dha fait frammentai, a manera chi *de issa etotu si orientit a sa lògica de su regnu de Deus*. In custa prospetiva si ponit su rapportu de su Vangelu cun is culturas.

Sinnales de isperàntzia, s'unidade e sa créschida culturale de sos Sardos.

De su Concíliu Plenàriu Sardu

4 § 1. Como nos piaghet de faghert a bídere unos cantos sinnales bonos de sa realtade de oe de su pòpulu nostru. Difatis, ca creimus in su Segnore resuscitadu, semus seguros chi in sa realtade de sos Sardos, che in totu su Mundhu, est sèmpre presente e nos ànimat s'Ispíridu Santu, chi si faghet a bídere cun medas sinnales de bene e de isperàntzia incarnados in su coro e in sa vida de sa zente nostra puru: su disizu mannu de un'àtera calidade de sa vida, su servitziu contivizosu e onestu, su bonu acasazu pro sos istranzos, sos sinnales de paghe e de perdonu, su contivizu de sos voluntários pro sos malàdios suferentes, su sensu de sa resone e su disizu de paghe, s'azudu a chie est in su bisonzu, su rispetu pro sa dignidade de s'ómine e de sa fémina, sa nàschida de àteros valores, su bisonzu de sintzillidade, su disizu de istare che frades, un'ànimu prus che àteru religiosu.

4 § 4. Sos Sardos, pro cantu diferentes de unu logu a s'àteru, *tenant un'identidade unitària manna*. Si podet faedhare abberu de “pòpulu sardu”, *cun piessignos suos culturales diślittivos e una límba cosa sua*. Custu ispiegat *su sentido de essere Sardos, zente de Sardigna*, de tènnere una *sardidade*, gàrriga de cultura cristiana, carculada richesa humana de costoire e de contivizare.

Sa sesta die

S'annúntziu de s'Evanzéliu depet èssere sèmpre incarna e innestadu in sa cultura de sa zente.

De su Concíliu Plenàriu Sardu

84 § 1. Medas e differentes sunt las culturas chi si agatant, nàschidas gràtzias a sa capatzidate ratzionale e simbólica de sa persone humana, cosa chi anti formadu sos pòpulos diferentes e chi s'istòria nos at fatu connòschere, e s'esisténtzia etotu de su cristianu si agatat *in d-una cultura diślita*. Sa Crésia, nàscida de su Faedhu de Deus fatu a Ómine, in sa missione sua andhat ifatu de sa lògica de s'incarnazione: *leat sa realtade de sa vida humana, istòrica, chi est sa cultura de sa zente, bi ponet raighinas e, comente faghet sa madrighe in sa pasta* (cf. Mt 13, 33), la faghet pesare, a manera chi *de issa etotu desesi si orientet a sa lògica de su regnu de*

Sa Crésia connoscit e aprétziat su valori de is culturas; proponit su Vangelu a diàlogu cun custas, ponit in custas, coment'e sèmini, sa "Bona Noa"; *si serbit de is metrus intelletualis e simbólicos chi dhas distinguit po cumpréndiri e ispiegai mellus fintzas su Vangelu.*

Giai de su cuméntzu de s'annúntziu evangélico "a totu is natzionis" (Mt 28, 19ss), is testimòngius e ministrus de sa Paràula si funt istérrius in is differentis regionis de su Mundu e anti connotu culturas differentis, pruscatotu sa greca, e cun is "paràulas" de custas culturas ant annuntziau sa Paràula de Deus (Cf. *Atti degli Apostoli*).

Est aici chi sa primu comunidadi cristiana, *sighendi in su tempus e in is logus su mištériu de s'incarnatzioni de su Fuedhu eternu*, animada de s'Ispíridu Santu, at postu su sèmini bonu de su Vangelu de sa vida e de sa paxi in sa cultura de is pòpulus chi at atobiau in su mòri sù.

Aici, "imbiada a totu is pòpulus de dónnia tempus e logu, sa Crésia no si acàpiat a una singula e a peruna arrazza e a peruna natzioni, a peruna genia de istadu, a peruna manera distinta de bíviri, a peruna costuma antiga e ni moderna [...], ma intrat in comunioni cun is differentis culturas; custa comunioni *arricat tanti sa Crésia cantu is differentis culturas*" (*Gaudium et spes*, n. 58; cf. nn. 57-62).

Sa séima dí

S'avaloramentu de sa língua sarda primu sinnali de inculturatzioni de sa fidi.

De su Concíliu Plenàriu Sardu

100. S'impren de sa língua sarda in sa liturgia. Su Concíliu, fendi adóbias a s'isperàntzia de medas chi fintzas in sa língua sarda bint unu médiu bonu po comunicai sa fidi a su pòpulu nostu, ndi proponit un'avaloramentu comentu si depit. Iscít chi gràtzias a sa língua sarda is generatzionis *anti passau s'una a s'àtera unu grandu patrimóniu de fidi e de sabidoria cristiana chi fait parti de sa cultura de sa vida de is Sardus*. Sa língua materna sarda est apretziada e onorada po is pregadorias, personalis o colletivas, chi nosi anti lassau is mannus e chi tocat de arregòlliri e manigiai: custas pregadorias tenent, in prus de s'arrichesa de su chi nant, medas bortas prus de bonu, fintzas s'incantu de unu patrimóniu chi

Deus. In custa prospetiva si ponet su rapportu de s'Evanzéliu cun sas culturas.

Sa Crésia connoschet e aprétziat su valore de sas culturas; proponet s'Evanzéliu a diàlogu cun custas, ponet in custas, coment'e sèmene, sa "Bona Noa"; *si serbit de sos metros intelletuales e simbólicos chi las distinghet pro cumpréndhere e ispiegare menzus fintzas s'Evanzéliu.*

De su comintzu etotu de s'annúntziu evangélico "a totu sas natziones" (Mt 28, 19ss), sos distimonzos e ministros de sa Paràula si sunt istérridos in sas diferentes regiones de su Mundhu e ant connotu culturas diferentes, mescamente sa greca, e cun sas "peràulas" de custas culturas ant annuntziau sa Peràula de Deus (Cf. *Atos de sos Apóstulos*).

Est degoi chi sa prima comunidade cristiana, *sighindhe in su tempus e in sos logos su mištériu de s'incarnazione de su Faedhu eternu*, animada de Ispíridu Santu, at postu su sèmene bonu de s'Evanzéliu de sa vida e de sa paghe in sa cultura de sos pòpulos chi at abbojadu in su caminu sou.

Degoi, "imbiada a totu sos pòpulos de donzi tempus e logu, sa Crésia no si prendhet a una singula e a peruna arrazza e a peruna natzione, a peruna zenia de istadu, a peruna manera distinta de istare, a peruna costuma antiga e ne moderna [...], ma intrat in comunione cun sas diferentes culturas; custa comunione *irrichit tantu sa Crésia cantu sas diferentes culturas*" (*Gaudium et spes*, n. 58; cf. nn. 57-62).

Sa séima die

S'avaloramentu de sa limba sarda primu sinnale de inculturazione de sa fide.

De su Concíliu Plenàriu Sardu

100. S'impren de sa limba sarda in sa liturgia. Su Concíliu, faghindhe abboju a s'isperàntzia de medas chi fintzas in sa limba sarda bident unu médiu bonu pro comunicare sa fide a su pòpulu nostru, ndhe proponet un'avaloramentu comentu si depet. Ischit chi gràtzias a sa limba sarda sas generatziones *ant dadu s'una a s'àtera unu grandhe patrimóniu de fide e de sabidoria cristiana chi faghet parte de sa cultura de sa vida de sos Sardos*. Sa limba materna sarda est apretziada e onorada pro sas pregadorias, personales o colletivas, chi nos ant lassadu sos mannos e chi tocat de collire e impreare: custas pregadorias tenent, in prus de sa richesa de su chi narant, medas bortas prus de bonu, fintzas s'incantu de unu

afundat is arréxinis in sa manera connota de pentzai e in is sentidus de is Sardus.

Po cussu, arrispetendi e osservendi is normas chi oi régulant sa liturgia, fait a manigiai sa língua sarda po cantai testus iscioberaus cun critériu in calencuna ocasioni de celebratzioni e de pregaduria, o segundu s'ocasioni in sa vida de una comunidadi. In prus at a tocai de istudai, cun seriedadi culturali e cumpeténtzia teológica e pastorali, un'impreu prus largu de su sardu in sa liturgia.

Totu custu tocat de dhu fai po avalorai su patrimóniu chi nosi anti lassau is generatzionis passadas, po circai una comunicatzioni de sa fidi prus incarnada in sa vida de dónnia dí de is Sardus e fai una comunioni eclesiali sintzilla.

patrimóniu chi afundhat sas raighinas in sa manera connota de pessare e in sos sentidos de sos Sardos.

Pro cussu, rispetendhe e osservendhe sas normas chi oe régulant sa liturgia, faghet a manizare sa limba sarda pro cantare testos seberados cun critériu in carchi occasione de celebratzione e de pregaduria, o segundhu s'ocazione in sa vida de una comunidade. In prus at a tocare de istudiare, cun seriedade cultural e cumpeténtzia teológica e pastorale, un'impreu prus largu de su sardu in sa liturgia. Totu custu tocat de lu faghene pro avalorare su patrimóniu chi nos ant lassadu sas generatziones passadas, pro chiricare una comunicatzione de sa fide prus incarnada in sa vida de donzi die de sos Sardos e faghene una comunione eclesiale sintzilla.

S'otava dí

Sa formatzioni teológica po s'inculturatzioni de sa fidi.

De su Concíliu Plenàriu Sardu

115 § 8. In sa formatzioni de is seminaristas, in is istúdios de teología e in s'isperiéntzia de ministrus, serbit un'istúdiu nou e istima noa po is traditzionis litúrgicas in Sardigna e s'istória de is Santus, possíbbiles fintzas gràtzias a is connoscéntzias noas de s'istória de sa Crésia; e in prus, po chi is istudentis de teología *siant preparaus mellus a cumprendiri e favorèssiri su rapportu inter fidi, devorzioni populari e cultura, tocat de pònniri in is programmas de istúdiu de sa Pontificia Facoltadi Teológica de sa Sardigna s'antropología culturali* chi pertocat su sentidu religiosu de is Sardus. Is maistus de sa catechesi, preparaus issus puru in agiografia, liturgia e antropología culturali, in s'imparu chi donant presentendi is beridadis de sa fidi de sa Bíbbia depint circai de fai una síntesi tra custas e su comenti dhas anti bíbias personalmenti is Santus veneraus coment'e patronus e ammostaus a sa genti coment'esémpius de santidadi; depint isciri biri e ammostai is diferéntzias tra is *formas de piedadi cristiana sintzilla e is formas chi no funti cristianas.*

87 § 1. Segundu is leis de s'Istadu italiano oi in vigori, s'imparu de sa religioni católica me is iscolas tenet un'iscopu educativu e culturali. *S'iscola èst de seguru unu logu privilegiadu de inculturatzioni de sa Bona Nga de su Vangelu*, cun totu chi custas leis tenint límitis chi si depit agiudai a cambiari in mellus.

S'otava die

Sa formazione teologica pro s'inculturazione de sa fide.

De su Concíliu Plenàriu Sardu

115 § 84. In sa formazione de sos seminaristas, in sos istúdios de teologia e in s'isperiéntzia de ministros, serbit un'istúdiu nou e istima noa po sas traditziones litúrgicas in Sardigna e s'istória de sas Santos, possíbbiles fintzas gràtzias a sas connoschéntzias prus reghentes de s'istória de sa Crésia; e in prus, pro chi sos istudentes de teología *siant preparados menzus a cumprendere e favorire su rapportu inter fide, devotzione popolare e cultura, tocat de pònnere in sos programmas de istúdiu de sa Pontificia Facultade Teológica de sa Sardigna s'antropología cultural* chi pertocat su sentidu religiosu de sos Sardos. Sos mastros de sa catechesi, preparados issos puru in agiografia, liturgia e antropología cultural, in s'imparu chi daent presentendhe sas verdades de sa fide de sa Bíbbia depent chiricare de faghene una síntesi tra custas e su comente las ant pratigadas personalmente sos Santos venerados coment'e patronos e mustrados a sa zente coment'esémpios de santidade; depent ischire bídere e ammustrare sas diferéntzias tra sas formas de piedade cristiana sintzilla e sas formas chi cristianas no sunt.

87 § 1. Segundhu sas lezes de s'Istadu italiano oe in vigor, s'imparu de sa religione católica in sas iscolas tenet un'iscopu educativu e culturali. *S'iscola èst de seguru unu logu privilegiadu de inculturazione de sa Bona Nga de s'Evanzéliu*, cun totu chi custas lezes tenent límites chi si depet azuare a cambiare in menzus.

Sa nona dí

Unu puntu distintu po cumprobai una fidi chi s'innestat bène in sa cultura: guerras e educatzioni a sa paxi.

De su Concíliu Plenàriu Sardu

107 § 10. Su sentidu de cuncórdia, perdonu e penitentzia, depit preni sa vida de su cristianu dónnia dí fintzas a essiri costuma de vida, disponibbilitadi a s'atòbiu, unu fai in famíglia e cun sa genti. In Sardigna, audi po differentis motivus de istória e de cultura s'idea de su disacórdiu, de s'arrevesa e de sa vengàntzia est a portas arrabiosa, s'atividadi pastorali de sa Crésia depit *donai importu mannu a su sentidu cristiánu de sa cuncórdia e de su perdonu*.

Is cristianus tocat chi siant testimòngius cumbintus e fatoris de *una mentalitudi de diàlugu, de paxi, de perdonu, in sa famíglia e in sa bidha, lassendi a pèrdiri is vengàntzias, is discórdias, is certus e disamistadis*.

142 § 1. Biendi malefatas gravis che a is mortis, is secuestrus, isdorrobbatórios, bombas, furas e fogus po vengàntzia, arrichimentu, ódios e disamistadis, comenti ndi faint personas nàscias e educadas in sa comunidadi nostra cristiana chi ant arricu is sacramentus e fatu su catechismu *tocat, coment'e Crésia, de si pregontai cantu est intrau aintru su crisiánésimu* in personas e famíglia e, pruschetotu, ita tocat a fai. Is Obispus de sa Sardigna, in su messàgiu chi de pagu anti mandau a is comunidades cristianas a propósito de sa cangrena de is secuestrus de personas, anti nau chi is secuestrus significant “cantu pagu su Vangelu de Cristus at cambiav sa vida e su comportamentu de medas cristianus batiaus”.

Cantu su predicaí su Vangelu càmbiat su comportamentu est de seguru cosa chi si podit pregontai po dónnia tempus de s'istória e po totu is logus de su Mundu. Ma *sa pregonta bollit nàrriri chi teneus bisóngiu de una evangelizazzioni e incultrazzioni chi fait crèsciri in s'ànima sa fidi cristiána e portat is cristiánus a passai de is comportamentus isceti de apariéntzia a su èssiri cristiánus ca ant iscioberau un'ideali de vida cunforma a su Vangelu. Èst chistioni de si ndi bogai abbitúdinis secularis de pecai e fai mali po cambiari is comportamentus e totu sa vida a comenti nosi proponet su Segnori Gesugristu*, cun s'único iscopu de su bène, s'arrexoni, s'istima, su perdonu.

Sa nona die

Unu puntu distintu pro cumproare una fide chi s'innestat bene in sa cultura: gherras e educazione a sa paghe.

De su Concíliu Plenàriu Sardu

107 § 10. Su sentidu de cuncórdia, perdonu e penitentzia depet prenare sa vida de su cristianu donzi die fintzas a essere costuma de vida, disponibbilitade a s'abboju, unu faghère in famillia e cun sa zente. In Sardigna, inue pro diferentes motivos de istória e de cultura s'idea de su disacórdiu, de s'arrevesa e de sa vengàntzia est a portas airada, s'atividade pastorale de sa Crésia depet *dare importu mannu a su sentidu cristiánu de sa cuncórdia e de su perdonu*.

Sos cristianos tocat chi siant distimonzos cunvintos e fatores de *una mentalidade de diàlugu, de paghe, de perdonu, in sa famillia e in sa bidha, lassendhe a pèrdere sa vindita, sas discórdias, sas brigas e disamistades*.

142 § 1. Bidindhe malefatas graves che a sas mortes, sos secuestros, irrobbatórios, bombas, furas e fogos pro vindita, irrichimentu, ódios e disamistades, comente ndhe fagħent pessones nàschidas e educadas in sa comunidade nostra cristiana, chi ant retzidu sos sacramentos e fatu su catechismu, *tocat, coment'e Crésia, de nos pregontare cantu est intradu su crisiánésimu* in pessones e famíllias e, mescamente, ite tocat a faghère. Sos Piscamos de sa Sardigna, in su messàgiu chi de reghente ant mandhadu a sas comunidades cristianas a propósito de sa crangħena de sos secuestros de persone, ant nadu chi sos secuestros significant “cantu pagu s'Evanzéliu de Cristos at cambiav sa vida e su comportamentu de medas cristianos batizados”.

Cantu su preigare s'Evanzéliu càmbiat su comportamentu est de seguru cosa chi si podet pregontare pro donzi tempus de s'istória e pro totu sos logos de su Mundu. Ma *sa dimandha cheret nàrrere chi amus bisonzu de una evangelizazzione e incultrazzione chi fagħet crèscere in s'ànima sa fide cristiána e induit sos cristiános a colare de unu comportamentu solu de apariéntzia a su èssere cristiános ca ant seberadu un'ideale de vida cunforma a s'Evanzéliu. Èst chistione de si ndhe bogare abbitúdinis secularis de pecare e faghère male pro cambiari sos comportamentos e totu sa vida a comenti nosi proponet su Segnore Gesugristu*, cun s'único iscopu de su bene, sa resone, s'istima, su perdonu.

142. Elementus de impegnu pastorali contras a su maluvàiri.

§ 3. S'impegnu po educai es cussíentzias no si depit lassai totu a su chi si fait candu càpitatu o a s'apretu de sa disaura. Depit èssiri, a su contràriu, unu mòri de educatzioni chi si pigat e si sightit cun firmesa. Aici arrresurtat craru s'importu de una *catechesi bène concordada chi si fait a s'atenta e de interessai totu sa vida personali e colletiva*. Custu est su primu trabballu de sa pastorali de sa Crésia contras a su maluvàiri.

Totu paris cun s'educatzioni tocat a circai de menguai sa solidadi de is personas, de is famíllias e de totu sa genti, ca est arréxini de su maluvàiri: tocat de menguai su mancamentu de istima.

S'impegnu pastorali depit èssiri puru incarrerau a fai crèsciri sa cultura e s'arrespetu de sa vida, de pigai coment'e bène sacru, depit fai crèsciri una cultura chi fait cambiai s'ideali falsu de su guadàngiu facili, de su manígiu de dinai e cosas a fuliadura, de su pagu arrespetu po sa vida e po is personas [...], *s'ideali falsu de sa fortza e de sa "balentia", s'idea gravi chi sa fidi no còmbiat sa vida; serbit una cultura chi fait pentzai chi su maluvàiri si podit binci, chi podeus cambiari fintzas is malis incangrenaus.*

142. Elementos de impegnu pastorale contras a su maluvàghere.

§ 3. S'impegnu pro educare sas cussíentzias no si depet lassare solu a su chi si faghet candhu cumbinat o a s'apretu de sa disaura. Depet èssere, a su contràriu, unu caminu de educazione chi si leat e si sightit cun firmesa. Degoi resurtat craru s'importu de una *catechesi bene concordada chi si faghet a s'atenta e de interessare totu sa vida personale e colletiva*. Custu est su primu triballu de sa pastoral de sa Crésia contras a su maluvàghere.

Totu paris cun s'educazione tocat a chiricare de minimare sa soledade de sas pessones, de sas famíllias e de totu sa zente, ca est raighina de su maluvàghere: tocat de minimare sa farta de istima.

S'impegnu pastorale depet èssere puru abbiada a faghene crèschere sa cultura e su rispetu de sa vida, de leare coment'e bene sacru, depet faghene crèschere una cultura chi faghet cambiare s'ideale falsu de su balanzu fatzile, de su manizu de dinari e cosas a fuliadura, de su pagu rispetu pro sa vida e pro sas pessones [...], *s'ideale fartzu de sa fortza e de sa "balentia", s'idea grave chi sa fide no còmbiat sa vida; serbit una cultura chi faghet pessare chi su maluvàghere si podet binchere, chi podimus cambiare fintzas sos males incangrenados.*

AMMANITZADE!

paràulas de M. Pudhu; música de P. Marras (2008)

Boxi Si sos frores chi chircades
sunt de amore!

*Totus: Si sos frores chi chircades
sunt de amore!*

Boxi: Su caminu ammanitzade
de su coro e de sa mente
Ca est colendhe su Segnore!
Si sos frores chi chircades
sunt de amore!

*Totus: Si sos frores chi chircades
sunt de amore!*

Boxi: Su caminu adderetade
de su coro e de sa mente
Ca est colendhe su Segnore!
Si sos frores chi chircades
sunt de amore!

*Totus: Si sos frores chi chircades
sunt de amore!*


Boxi: Su caminu imparisade
de su coro e de sa mente
Ca est colendhe su Segnore!
Si sos frores chi chircades
sunt de amore!

*Totus: Si sos frores chi chircades
sunt de amore!*

Boxi: In sa zanna est isetendhe:
abberídeli a intrare,
Abberide, est su Segnore!
Bi est sa lughe e bi est sa paghe,
Su giardinu est de sa Vida,
Si bi abbitat su Segnore,
S'Emmanuele in su giardinu,
Cuntentesa infinida
In su coro e in sa mente!

*Opuru si cantat su Polisalmu, coment
sighit, segundu su tonu antigu:*

CANTU DE SU POLISALMU



1. Festint is celus, gosit **sa terra**, *
esultai in festa, **o montis**.
1. Festent sos chelos, goset **sa terra**, *
esultade in festa, **sos montes**.
2. Is **montis** portint frutu *de paxi*, *
dógnia campura portit frutu *de giustizia*.
2. Sos **montes** portent frutu *de paghe*, *
dogni campura portet frutu *de giustizia*.
3. Ca **est** benendi su Segnori **nostu**, *
e de totu is pòburus at a tenni *piedadi*.
3. Ca **est** benendhe su Segnore **nostru**, *
e de totu sos pòberos at a tener *piedade*.
4. De **is** celus altus arrosada e de is nuiis calit
giustizia, *
s'apèrgiat sa terra e boghit *salvesa*.
4. De **sos** chelos altos lentore e de sas nues
calet *giustizia*, * si abberzat sa terra e brotet
salvesa.
5. Arregodadindi de nosu, **Segnori**, *
abbisitanosì cun s'aggiudu *cosa tua*.
5. Ammèntadi de nois, **Segnore**, *
e imbisítanos cun s'azudu **tuo**.
6. Ammostanosi, Segnori, sa misericòrdia **tua**, *
e donanosì sa *salvesa tua*.
6. Mústranos, Segnore, sa misericòrdia **tua**, *
e dònanos sa *salvesa tua*.
7. Imbiai sa mandada a su dominadori de totu
sa terra, * de sa citadi aillargu de su desertu|
fintzas a su monti de sa *filla de Sion*.
7. Imbiade sa mandhada a su dominadore de
totu *sa terra*, * dae sa tzitade aillargu de su
desertu| finas a su monte de sa *fiza de Sion*.
8. Beni a nosí libberai, Segnori, Deus Totu
Poderosu, *
torrasì faci e ponisí in *salvamentu*.
8. Beni a nos libberare, Segnore, Deus Totu
Poderosu, * müstranos sa cara tua e pónenos
in *salvamentu*.
9. Beni, Segnori, e abbisitanosì *in paxi*, *
eus a fai festa ananti tuu cun *totu su coru*.
9. Beni, Segnore, a nos faghäre imbisita in
paghe, * amus a faghäre festa addannanti tuo
cun totu su coro.
10. Eus a connosci, Segnori, in terra nosta is
caminus tuus, *
in mesu de totu is gentis sa *salvesa tua*.
10. Amus a connòschere, Segnore, in terra
nostra sos *caminos tuos*, * in mesu a totu sas
zentes sa *salvesa tua*.
11. Scidandi, Signori, totu sa *fortza tua*, *
e beni a salvamentu **nostu**.
11. Ischídandhe, Segnore, totu sa *fortza tua*, *
e beni a salvamentu **nostru**.
12. Beni, Segnori, e non bollas *istentai*: *
perdona is culpas de sa genti *cosa tua*.
12. Beni, Segnore, e no cherzas *istentare*, *
perdona sas culpas de sa *zente tua*.
13. Oh! Si tui iast a bolli oberri is celus e cabai
acantu **nostu**: * ananti tuu su monti e sa
campagna iant a bogai *torra frutu*.
13. Oh! Si tue cherias abbèrrere sos chelos e
falare a nois *ocanta*, * addananti tuo montes
e campagnas tiant batire *torra frutu*.
14. Beni, e torrasì faci, **Segnori**, *
tui, su rei, sétziu in altu de is *Cherubbinus*.
14. Beni e müstranos sa cara tua, **Segnore**, *
tue su re, sétzidu in altu de sos *Cherubbinos*.
15. Siat glòria a Deus su Babbu, siat glòria a
Deus su Fillu, * cun issus a s'Ispíridu paris
siat *sa glòria*.
15. Siat glòria a Deus su Babbu, siat glòria a
Deus, su Fizu, * cun issos a s'Ispíridu paris
siat *sa glòria*.
16. Comenti in printzípiu, siat glòria imoi
e sèmpiri, * siat glòria in dógnia edadi, in
sèculos e sèculos.| *Amen-Gésus*.
16. Comente in printzípiu, siat glòria como
e semper, * siat glòria in donzi edade, in
séculos e séculos.| *Amen-Gésus*.

RITUS DE ADORAZZONI E DE COMUNIONI

Apustis de s'esortazzioni, si cantat s'Innu (cun su tonu de *En clara vox*).
In su mentris, si fait s'Espositzoni.

INNU po s'Espositzoni de su Santíssimu

Fu - e - dhu cre - a - do ri e lu - xi de sal - ve sa,
Ge - sus lib - be - ra - do ri i - surc - ta a chi t'in - vo cat.

- | | | |
|---|---|--|
| 1. En clara vox redárguit
Obscura quaeque pérsonans;
Prócul fugentur sómnia,
Ab alto Jesus prómicat. | 1. Fueddu Creadori
e luxi de salvesa,
Gesus libberadori
isculta a chi t'invocat. | 1. Paraula Creadora
e lughe de salvesa,
Gesùs libberadore,
isculta a chie t'invocat. |
| 2. En Agnus ad nos míttitur
Laxare gratis débitum,
Omnes simul cun lácrimis
Precémur indulgentiam. | 2. Su pòpulu in esíliu
ispetat a èssi líbberu,
iscrau de su pecau,
est bintu de sa morti. | 2. Su pòpulu in esíliu
aisetat a esser líbberu,
isclavu 'e su pecadu,
est bintu dae sa morte. |
| 3. Beátus Auctor saéculi
Servile corpus índuit:
Ut carne carnem líberans
ne pérderet quos cóndidit. | 3. In terra nostra benis
ses fradi in mesu a fradis,
annúntziu de profetas,
ispera de oprimius. | 3. In terra nostra benis,
ses frade in mesu a frades,
annúntziu de profetas,
ispera de oprimidos. |
| 4. Cástae Parentis víscera
Caelestis intrat grátiá:
Vénter puéllae bájulat
Secreta quae non nóverat. | 4. Ses vida pro chi morit,
caminu a chi est circhendi,
ses libbertadi e paxi,
ses soli de giustizia. | 4. Ses vida pro chie morit,
caminu a chie chircat,
ses libbertade e paghe,
ses sole de giustizia. |
| 5. Dómus pudici péctoris
Templum repente fit Déi,
Intácta, nésciens vírum
concépit alvo Fílium. | 5. Sa Crésia de is redentus
ispetat a candu torras,
s'umanidadi in terra
a innui ses tui est mirendi. | 5. Sa Crésia 'e sos redentos
aisetat chi tue torres,
s'umanidade in terra
a ue ses tue est mirendhe. |
| 6. Deo Patri sit glória,
Ejusque soli Fílio,
Cum Spíritu Paráclito
In saeculorum saécula.

Amen. | 6. Siat glória a Deus su Babbu
siat glória a Deus su Fillu
siat glória a s'Ispíridu
impari in is séculos.

Amen. | 6. Siat glória a Deus su Babbu,
siat glória a Deus su Fízu
siat glória a s'Ispíridu
umpare in sos séculos.

Amen. |

PREGADORIA UNIVERSALI - I

Fradiis e sorris, in su mentris chi ispetaus chi torrit su Segnori nostu Gesu-Cristu, imploraus s'amistadi sua: issu chi est benniu in su mundu po annuntziai sa nova bona de s'evangéliu, e abarrat in mesu nostu in su pani sacramentau, donit oi puru sa salvesa sua :

Un Solista narat sa "paràula" de su Segnori, e Totus rispondint cun s'invocatzioni: "Fai, o Segnori..."

Faghe, o Segnore!

"Sos mios no sunt
sos pessamentos tuos"
- Sa Veridade! –
narat su Segnore.
E ischit cantu
est bonu su dolore
e marigosu malu
su chi naro amore...

*Faghe, o Segnore,
chi sa mente mia
sempre prus pesset
a manera tua!*

"Sos mios no sunt
sos sentimentos tuos"
- Sa Veridade! –
narat su Segnore.
E in su coro sou
est fizu e frade
comente a mie
su nemigu meu.

*Faghe, o Segnore,
chi su coro meu
istimet sempre prus
comente a Tie!*

"Sos mios no sunt
sos terighinos tuos"
- Sa Veridade! –
narat su Segnore.
Istradas in falada
Largas e isfaltadas
Parent prus bellas
Ma no leant a inie!

*Faghe, o Segnore,
chi su pede meu
caminet sempre prus
abbia a Tie!*

"Sos mios no sunt
sos afainos tuos"
- Sa Veridade! –
narat su Segnore.
Su Gòlgota est
in artu e cumplit
su miràculu de amore
de su fizu 'e Deu.

*Faghe, o Segnore,
chi sas manos mias
sempre prus serbant
cun s'òpera tua!*

Fai, o Segnori!

"Is mius no funt
is pentzamentus tuus"
- Sa Beridadi! –
narat su Segnori.
E scit comenti
est bonu su dolori
e marigosu malu
su chi nau amori...

*Fai, o Segnori,
chi sa menti mia
semprí prus pentzit
a manera tua!*

"Is mius no funt
is sentimentus tuus"
- Sa Beridadi! –
narat su Segnori.
E in su coru suu
est fillu e fradi
comenti a mimi
su nemigu miu.

*Fai, o Segnori,
chi su coru miu
istimit semprí prus
comenti a Tui!*

"Is miás no funt
is andaredhas tuas"
- Sa Beridadi! –
narat su Segnori.
Istradas in calada
Largas e isfaltadas
Parint prus bellas
Ma no portant a innia!

*Fai, o Segnori,
chi su pei miu
caminit semprí prus
abbia a Tui!*

"Is mius no funt
is afaíngius tuus"
- Sa Beridadi! –
narat su Segnori.
Su Gòlgota est
in artu e cumplit
su miràculu de amori
de su fillu 'e Deu.

*Fai, o Segnori,
chi is manus mias
semprí prus serbant
cun s'òpera tua!*

PREGADORIA UNIVERSALI - II (A TORRADA)

V. Fradis e sorris, seus bivendu in s'abetu chi bengiat su Signori Gesu Cristu. Cun custa ispera pregaus e supplicaus sa misericordia sua. Issu chi est benniu sa primu borta a su mundu po annuntziai s'Evangeliu a is pòburus, in custas dis nostas puru dongiat a totus salvesa e consolatzioni.

V. Frades e sorres, semus aisetendhe sa 'ennida de su Segnore Gesùs. Imploremus sa misericòrdia sua: isse chi est bennidu a su mundhu pro annuntziare s'evangèliu a sos pòberos e a salvare sos pentidos de coro, in custas dies puru donet a totu cantos sa salvesa sua.

G.Orro
2008

Su - spi - rat a tu - i, Se - gno ____ ri, su - ;
spi - rat a tu - i, Se - gno - ri, s'a - ni - ma mi - a.

1. Impari cun totu is gentis chi aspettant de ti podi conosci, e cun is missionarius chi predican s'Evangèliu; cun is chi funt in persecutzioni po sa fidi, cun is cristianus chi no tenint coràggiu de ti fai de testimongius e po cussus chi no creint in Deus: *impari cun issus a tui, Segnori, suspiraus.*

2. Impari cun is giovanus in cica de triballu e cun icussus chi nci arruint in sa droga, cun is operaius disoccupaus, cun is messaius e is pastoris chi sunfrint is dannus de su tempus malu, cun is famillias chentza de domu, cun is antzianus lassaus a sa sola, cun totu cussus chi sunfrint discriminatzionis de dónnia arratza, e po totus is chi tenint sa responsabilidadi de su beni comunu: *impari cun issus a tui, Segnori, suspiraus.*

3. Impari cun is populus chi ancora sunt in cica de libertadi, e po totus cussus chi si pentzant ca est prus facili a agatai ordini e cambiai in mellus is cosas cun sa fortza; cun is chi funt persecutaus po amori de sa giustizia, cun totus cussus chi si gaiant de fai po sa paxi, e cun is sordaus obrigaus a sa gherra: *impari cun issus a tui, Segnori, suspiraus.*

4. Cun totus cussus chi circant de donai unu sensu a sa vida insoru, cun is chi no tenint ispera peruna; cun is cristianus chi si domandant cali siat sa vocatzioni insoru e cun is comunidadis chi provant a donai forma noa a sa vida insoru in su Spiridu Santu, e po totus cussus chi in sa Crésia tenint unu ministériu de servitziu: *impari cun issus a tui, Segnori, suspiraus.*

1. Paris cun sos pòbulos chi ancora aisetan de ti connoscher e cun sos missioneris chi annùntzian s'evangèliu tou, paris cun sos persighidos pro more de sa fide, cun sos cristianos chi no tenen s'ànimu de ndh'esser testimonzos, e cun sos chi no creen in Deus: *paris cun issos a tie, Segnore, suspiramos.*

2. Paris cun sos giòvanos chi aisetan unu trabàgliu e cun cussos chi si dan a sas drogas, cun sos operàjos disimpreados, cun massajos e pastores chi patin sas cuntrariedades de sa natura, cun sas familias chena domo, cun sos antzianos lassados a sa sola, cun totu sos chi sun assugetados a discriminatziones de onzi zenia e pro totu sos chi tenen sa responsabbilidade de promover su bonu de totu cantos: *paris cun issos a tie, Segnore, suspiramos.*

3. Paris cun sos pòbulos chi ancora sun in chirca de libbertade e pro totu sos chi creen chi siat fatzile de agatare òrdine e bonu istare cun s'impreu de sa fortza, cun sos persighidos pro more de sa giustìssia, cun totu sos chi trabàglan pro sa paghe e paris cun sos soldados custrintos a sa gherra: *paris cun issos a tie, Segnore, suspiramos.*

4. Paris cun totu sos chi sun chirchendhe unu sensu pro sa vida issoro e cun totu sos chi sun chena isperàntzia peruna; cun sos cristianos chi si preguntan cale siat sa vocatzione issoro, cun sas comunidades eclesiales chi chircan de rennoare in s'Ispíridu sa vida issoro, e pro totu sos chi in sa Crésia an unu ministériu de servitziu: *paris cun issos a tie, Segnore, suspiramos.*

5. In comunioni s'unu cun s'atru, si fadeus boxi de donna creatura; impari cun totus is Santus e po is fradis e sorris chi si fuit mortus, e prusetotu pro is chi fuit mortus de arrepenti o de morti mala: *impari cun issus a tui, Segnori, suspiraus.*

Sa pregatoria universal si finit cun su Babbu Nostu, chi cumintzat puru is ritus de sa Comunioni

V. Arregodendi is fueddus de su Salvadori e pesaus in s'iscola sua,
si atrivius a narrì:

Babbu nostu, chi ses in is celus,
santificau siat su nòmini tuu,
bèngiat a nos su régnu tuu,
fata siat sa voluntadi tua
comenti in su celu aici in sa terra.
Su pani de dógnia dí donanosidhu oi;
e perdonasí is pecaus nostus
comenti nosatrus dhus perdonaus
a is depidoris nostus,
e non si lessis arrui in tentatzioni,
ma libberanosí de mali.

Libberanosí de mali, ti pregaus, |
cuncedi paxi in sa vida nostra, +
chi s'agiudat s'amoriu tuu, |
eus a èssiri sèmpiri líbberus de su pecau ~
e a s'amparu de dógnia timoria: *
in s'abetu de s'isperàntzia santa |
chi torrit su Salvadori nostu Gesu-Cristu.

R. A tui su régnu e sa glòria sempri, in eternu.

Segnori Gesu-Cristu,
chi as nau a is Apòstulus tuus:
bosí lassu sa paxi, bosí dòngiu sa paxi mia:
no castis a is pecaus nostus, ma a sa fidi de sa Crésia tua;
e cufromma a sa voluntadi tua donadhi paxi e unidadi.

Tui chi bivis e régnias, imoi e in sèculos e sèculos.

R. Amen.

V. Sa paxi de su Segnori nostu siat sèmpiri cun bosatrus.

R. E abbarrit puru cun tegus.

V. Donaisì sa paxi.

5. In cumunione sos unos cun sos àteros, nos faghimus boghe de onzi vivente; umpare cun totu sos santos e cun sos frades nostros chi sun mortos, e piùs de totu pro sos chi sun istados vitimas de una morte mala o improvvisa: *paris cun issos a tie, Segnore, suspiramos.*

V. Ammentèndenos de sas paràulas de su Salvadore, e pesados in s'iscola sua, nos atrivimus a nàrrere:

Babbu nostru, ch'istas in sos chelos,
santificadu siat su nomen tuo,
benzat a nois su regnu tuo,
e fata siat sa voluntade tua,
comente in su chelu gai in sa terra.
Su pane de onzi die dona nos oe,
e perdoná sos pecados nostros
comente nois perdonamus
a sos inimigos nostros,
e no nos lasses rúere in tentazione,
ma libbera nos dae male.

Libbera nos dae male, ti pregamus,
cuntzede paghe in sa vida nostra, +
si nos agiudat s'amore tuo, |
amus a biver semper libberos dae su pecadu ~
e seguros dae 'onzi timoria,*
in sisetu de s'isperàntzia santa, |
chi torret su Salvadore nostru Gesu Cristu.

R. A tie su regnu e sa glòria sempri, in eternu

Segnore Gesu-Cristu, chi as naradu a sos Apòstulos tuos:
Bosí lasso sa paghe, bos do sa paghe mea,
no abbàides a sos pecados nostros, ma a sa fide de sa Crésia tua;
e cufromma a sa voluntade tua daeli paghe e unidade.

Tue chi bives e regnas, como e in séculos e séculos.

R. Amen.

V. Sa paghe de su Segnore abbarret cun bois.

R. E abbarret cun tegus puru.

V. Dàdebos sa paghe.

TANTUM ERGO

(traduzioni de Mons. Pilo, obispu de Ales, 1786)

Tan-tum er go sa cra - men - tum ve - ne - re mur cer nu-
 Ge - ni - to ri ge ni - to que laus et ju bi - la ti -
 1.Cu - stu gran du sa cra - men - tu ve - ne - re us u - mi-
 2.A Deus Bab - bu on - ni po - ten - ti ea su Fil lu Re den

i et an ti - quum do - cu - men - tum no - vo ce - dat ri - tu - i. pre - stet
 o: sa - lus ho - nor vir - tus quo que sit et be - ne - dic - ti - o: pro - ce-
 lia - us e com - men - t'e nui a su ben - tu ce - dant is ri - tus pas - sa - us: e su
 to - ri cun su co - ro e cun sa men - ti a - la - beus cun gran du o - no - ri; e siat

fi - des sup - ple - men - tum sen su - um de - fec tu - i, sen su -
 den - ti ab u - tro - que com par sit lau - da - ti - o, com par
 chi - o - gu no bi - dit ac cet - teus cun fir ma fi - di ac cet -
 pu - ru o - no - ri u - gua - li a s'a - mo ri e ter - na - li, a s'a -

um de - fec tu - i. 1. 2. A - men.
 sit lau - da - ti - o. li. A - men.

Custu grandu Sacramentu
venereus umiliaus,
e coment'e nui a su bentu
cedant is ritus passaus :
e su chi ogu non bidit
accetteus cum firma fidi.

A Deus Babbu onnipotenti
e a su Fillu Redentori,
cun su coru e cun sa menti
alabeus cun grandu onori;
e siat puru onori uguali
a s'Amori eternali. Amen.

V. Pani de celu nos as donau

R. Pani chi a totu cantus donat sa vida.

V. Pregheus.

Deus de amistadi, chi in su pani sacramentau
nos as lassau s'ammentu de sa bennida tua,
fai chi, pighendi parti a su mistériu de sa
vida, passioni, morti e resurrezioni tua,
| siaus nos puru totu impari in sa Crésia
corpus donau a salvesa 'e su mundu.
Tui chi bives e regnas in séculos e séculos.

T. Amen.

Donat sa Beneditizioni. Apustis, sempri presentendi s'Eucaristia a su pôpulu, su préideru intonat sa
Confessioni de sa fidi e totus rispondint cun s'acclamatzioni:

Custu grandhe sacramentu
veneremus umilados
e coment'e nue a su 'entu
tzedant sos ritos passados:
e su chi ogru no bidet
atzetemus cun firma fide.

A Deus Babbu onnipotente
e a su Fizu Redentore,
cun su coro e cun sa mente
laudeus cun grandhe onore;
e siat puru onore uguale
a s'Amore eternale. Amen

V. Pane de chelu nos as donadu

R. Pane chi a totu cantos donat sa vida.

V. Preghemus.

Deus de amistade, chi in su pane
sacramentadu nos as lassadu s'ammentu
de sa bennida tua, faghe chi, leandhe parte
in sa vida, passione, morte e resurrezione
tua, | siemus tot' umpare in sa Crésia corpus
donadu a salvesa 'e su mundhu.

Tue chi bives e regnas in séculos e séculos.

T. Amen.

ACLAMATZIONIS PUSTIS DE SA BENEDITZIONI

ACLAMATZIONI I : SA MORTI TUA E S'ANDADA TUA

Adagio ♩ = 56

G. Orro (2003)

Man nu est su mi-ste-riu de sa fi-di no-sta
e s'an-da-da tu-a nos a-trus, Sen-no-ri pron-num-zia-us
s'ar-ri-rur-re-tzio-ni cun-fes-sa-us
can-du in sa glo-ria as a tor-ra-i

ACLAMATZIONI III: TUE NOS AS REDEMIDU

Larghetto ♩ = 60

G.Orro
2003

Man nu est su mi-ste-riu de sa fi-di no-stras
Tu-e nosas re-di-mi-du cunsa ru-ghe tu-a ei sa re-sur-re-tzi-o-ne, nosas re-di-mi-du
sal-va nos, Sal-va-do-re, sal-va nos, Sal-va-do-re de su mun-du

RITUS DE SA COMUNIONI

V. Su Corpus e Sànguni de Gesu-Cristu,
siant po nosu in saludi eterna

Angioni donau de Deus,
chi ndi lias is pecaus de su mundu,
piedadi de nosu.

Angioni donau de Deus,
chi ndi lias is pecaus de su mundu,
piedadi de nosu.

Angioni donau de Deus,
chi ndi lias is pecaus de su mundu,
donanosì sa paxi.

V. Custu est s'Angioni chi Deus nosi donat:
Issu ndi liat is pecaus de su mundu.
Pretziatus is chi Deus ponit in parti de sa
cena de su Segnori.

R. **Segnori, non seu dignu**
chi intris in domu mia:
ma nara unu fuedhu solu
e at a sanai s'anima mia.

V. Corpus de su Cristus.

R. Amen-Gèsus.

Apustis finia sa Comunioni, unu Solista o su Coru podit cantai s'Antifona de sa dì, in latinu, segundu su tonu gregoriano connotu. Si no si cantat, s'intonat diretamenti su Magnificat.

O Sapientia (17 dicembre)

Tono II D

The musical score is written in G major, 2/4 time, with a soprano vocal line. The lyrics are in Latin, referring to the Virgin Mary as the Wisdom of God. The score is divided into eight staves, each containing a single line of music with corresponding lyrics.

V. Su Corpus e Samben de Gesu-Cristu siant
pro nois in salute eterna.

Anzone donadu dae Deus,
chi ndhe leas sos peccados de su mundhu,
tene piedade de nois.

Anzone donadu dae Deus,
chi ndhe leas sos peccados de su mundhu,
tene piedade de nois.

Anzone donadu dae Deus,
chi ndhe leas sos peccados de su mundhu,
dona nos sa paghe.

V. Custu est s'Anzone chi Deus nos donat.
Isse ndhe leat sos pecados de su mundhu.
Pretziados sos chi Deus giamat a sa chena
de su Segnore.

R. **Segnore, no so dignu**
chi intres in domo mea,
ma nara una paràula sola
e at a esser sana s'anima mea.

V. Corpus de su Cristos.

R. Amen-Gèsus.

MAGNIFICAT

Candu si cantant is Antifonas “O” in Gregorianu, su Magnificat si cantat in su “tonu segundu”. Si s’úrtima di si cantat s’antifona “Cum ortus fuerit”, si cantat in su “tonu otavu”.



*Est mannu su Segnori miu: **
de coru dd'ollu *cantai*;

*Deus mi at salvau: ** de s'Ispíridu custu
cantu meu.

*A mimi at sceberau, pòbera tzeraca sua. **
De imoi innantis, totus mi ant a narrri
benedita.

*Manna m'at fatu, Deus, su Totu Poderosu, **
“Santu” ddi narant, a su nòmini *suu*:

S'amistadi sua durat po sèmpiri, de
generatzioni in *generatzioni*, * pro chi
ddu servit in *fidelidadi*.

*Ispantus at fatu cun su bratzu suu, **
is malus balentis ddu at ispérdu in is
trampas *insoru*.

Is chi cumandant, nci ddu at bogaus de sa
sea insoru *
is oprimius, in artu ndi ddu at *pesaus*.

*Is famius, ddu at beni cumentaus, **
is arricus, isbuidaus e bogaus.

A Israel, fillu suo, si dd'at leau a manu
tenta, * ca si est arregodau de s'amistadi
sua.

Comenti aiat impromitiu a is mannus
nostus, *
a Abramu e a s'eredeu suu, *po sèmpri*.

Siat glòria a Deus su Babbu, siat glòria a Deus
su *Filu*, *
cun issus a s'Ispíridu paris sa gloria *siat*.

Comenti in printzípiu, siat glòria imoi e
sèmpri, *
siat glòria in dógnia edadi, in séculos e
séculos. *Amen-Gésus*.

*Est mannu su Segnore meu: **
de coro lu cherzo *cantare*;

*Deus mi at salvadu: ** de s'Ispíridu custu *cantu meu*.

*A mie at seberadu, pòvera tzeraca sua. **
dae como e semper totus mi ant a narrer
beneita.

*Manna m'at fatu, Deus, su Totu Poderosu, **
“Santu” li narant, a su nùmene *suo*.

S'amistade sua durat pro semper, de
generatzione in *generatzione* *
pro chie lu servit in *fidelidade*.

*Ispantos at fatu cun su bratzu suo, **
sos malos balentes los at ispérpidos in sas
trampas *issoro*.

Sos chi cumandhant, nche los at betados dae
sa sea issoro, * sos oprimidos, in altu ndhe
los at *pesados*.

*Sos famidos, los at prenos de onzi bene, **
sos ricos, isboidados e bogados.

A Israel, fizu suo, si l'at leadu a manu tenta, *
ca si est ammentadu de s'amistade *sua*.

Comente aiat promissu a sos mannos
nostros, *
a Abramu e a s'eréntzia sua, *pro semper*.

Siat glòria a Deus su Babbu, siat glòria a
Deus su *Fizu*, *
cun issos a s'Ispíridu paris sa gloria *siat*.

Comente in printzípiu, siat glòria como e
sèmpre, *
siat glòria in dogni edade, in séculos e
séculos. *Amen-Gésus*.

MAGNIFICAT CANTAU A INNU (MELODIA DI P. MARRAS)

Est mannu su Segnori miu:
de coru dd'ollu cantai ;
Deus mi at salvau:
de s'Ispíridu custu cantu miu.
A mimi at sceberau,
pòbera tzeraca sua.
De imoi innantis, totus is gentis
mi ant a narrri benedita.
Manna m'at fatu, Deus,
su Totu Poderusu,
“Santu” ddi narant,
a su nòmini suu.

S'amistadi sua durat po sèmpiri,
de generatzioni in generatzioni,
pro chi abarrat
in sa fidelidadi sua.
Ispantus at fatu
cun su bratzu suu,
is malus balentis ddus at ispérduis
in is trampas insoru.

Is chi cumandant,
nci ddus at bogaus de sa sea insoru,
ma is oprimius,
in artu ndi ddus at pesaus.
Is famius, ddus at beni cumentaus,
is arricus, isbuidaus
e bogaus.

A fillu suu, Israel,
si dd'at leau a manu tenta,
ca si est arregodau
de s'amistadi sua.
Comenti aiat impromítiu
a is mannos nostus,
a Abramu e a s'erédeu suu,
po sèmpri.

Siat glória a Deus su Babbu,
siat glória a Deus su Fillu,
cun issus a s'Ispíridu
paris sa glória siat.
Comenti in printzípiu,
siat glória imoi e sèmpri,
siat glória in dogni edadi,
in séculos e séculos. Amen-Gèsus.

(Una fémina intonat a sa sola)

Est mannu su Segnore meu:
de coro lu cherzo cantare,
Deus mi at salvadu:
dae s'Ispíridu custu cantu meu.
A mie at seberadu,
pòvera tzeraca sua.
dae como e semper totu sas zentes
mi ant a narrer beneita.
Manna m'at fatu, Deus,
su Totu Poderusu,
“Santu” li narant,
a su númene suo.

(Totus)

S'amistade sua durat pro semper,
de generazione in generazione ,
pro chi istat
in sa fidelidade sua.
Ispantos at fatu
cun su bratzu suo,
sos malos balentes los at ispérvidos
in sas trampas issoro.

Sos chi cumandhant
nche los at bogados dae sa sea issoro
ma sos oprimidos,
in altu ndhe los at pesados.
Sos famidos los at bene cumentados,
sos ricos, isboidados
e bogados.

(Una fémina sightit a sa sola)

A fizu suo, Israel,
si l'at leadu a manu tenta,
ca si est ammentadu
de s'amistade sua.
Comente aiat promissu
a sos mannos nostros,
a Abramu e a s'eréntzia sua,
pro semper.

(Totus)

Siat glória a Deus su Babbu,
siat glória a Deus su Fizu,
cun issos a s'Ispíridu
paris sa glória siat.
Comenti in printzípiu,
siat glória como e semper,
siat glória in dogni edade,
in séculos e séculos. Amen-Gèsus.

O Adonai (18 dicembre)

O adona ni i,* et Dux do - mus I - sra - el,
qui Mo y - si in i - gne flam-mae rub - bi ap - pa - ru - i sti,
et e - i in Si - na le - gem de - di sti:
ve - ni ad re - di - men dum nos in br - chi - o ex - ten - to.

O Radix Jesse (19 dicembre)

O Ra - dix - les se,* qui stas in si - gnum po - pu lo - rum,
su - per quem con - ti - ne bunt re - ges os su um
quem gen - tes de - pre ca bun - tur:
ve - ni ad li be.ran dum nos: jam no li tar da - re.

O Clavis David (20 dicembre)

O Cla - vis Da - vid,* et scep - trum do - mus I - sra - el:
qui a - pe - ris, et ne - mo clau - dit;
clau - dis, et ne - mo a - pe rit:
ve - ni et - e - duce - vinc - tum de - do - mo car - ce - ris,
se - den - tem in te - ne - bris et um bra mor - tis.

O rex gentium (21 dicembre)

O riens,* splen-dor lu-cis. ae-ter-nae,
et sol ju-sti-tiae:
ve-ni, et il-lu-mi-na
se-den-tes in-te-ne-bris et um-bra-mor-tis.

O Oriens (22 dicembre)

O Rex gen-ti-um,* et de-si-de-ra-tus e-a-rum,
la-pi-sque an-gu-sa-ris.
qui fa-cis u-tra que u-num,
ve-ni et sal-va ho-mi-nem, quem de-li-mo for-ma-sti.

O Emmanuel (23 dicembre)

O Em-ma-nu-el,* Rex et Le-gi-fer no-ster,
ex-spec-ta-ti-o gen-ti-um,
et Sal-va-tor e a-rum:
ve-ni ad sal-van-dum nos, Do-mi-ne De-us no-ster.

RITUS A SA 'ESSIDA

V. Pregheus impari.

Gesùs, chi nascendi de sa Vírgini Maria ti ses
fatu fradi nostu,
tui as traballau cun manu umana,
tui as pentzau cun menti umana,
tui as istimau cun coro umanu.

Ecce homo:

ses tui, Segnori sa beridadi nosta,
tui ses sa saludi nosta.

Tui, Gesùs,

s'òmini nou po is àterus e po Deus,
Gesùs, s'òmini nou cun is àterus e cun Deus,
Tui, pedra de fundamentu, scartada de is
óminis,
ma sceberada e pretziosa ananti de Deus,
tui ses su Cristus gloriosu
e bivis cun su Babbu eternu e cun s'Ispíridu
Santu,
imoi e in sèculos e séculos.

R. Amen.

V. Su Segnori siat cun bosatrus.

R. E siat cun tegus puru.

V. Bosi benedixat s'onnipotenti Deus
Su Babbu, su Fillu  e s'Ispíridu Santo.

R. Amen.

V. Bandai in santa paxi.

R. Deus bollat.

Opuru:

V. Baxi cun Deus.

R. Abarrit cun sa mama.

V. Preghemus umpare.

Gesùs, chi naschinde dae sa Vírgine Maria ti
ses fatu fraude nostru,
tue as trabagliadu cun manu umana,
tue as pensadu cun mente umana,
tue as istimadu cun coro umanu.

Ecce homo:

tue ses, Segnore, sa verdade nostra,
tue ses sa salute nostra.

Tue, Gesùs,

s'òmine nou pro sos àteros e pro Deus,
Gesùs, s'òmine cun sos àteros e cun Deus,
Tue, pedra de fundhamentu, iscartada dae sos
ómines,
ma seberada e pretziosa indainante a Deus,
Tue ses su Cristos gloriosu
e bives cun su Babbu eternu e cun s'Ispíridu
Santu,
como e in séculos e séculos.

R. Amen.

V. Su Segnore siat cun bois.

R. E siat cun tegus puru.

V. Bos beneigat su Deus onnipotente,
Babbu, e Fizu  e Ispíridu Santo.

R. Amen.

V. Andhade in paghe.

R. Deus cherzat.

Opuru

V. Andhade cun Deus.

R. Abbarret cun sa mama.

Si finit cun su cantu de is Gòccius o cun d-unu atru cantu.

CANTI

GOSOS

(G.Delogu-Ibba, 1736)

Allégradi, cristianu,
Faghe festa e allegria
Naschendhe dae Maria
Vírgine Deus umanu.

1. Su Verbu Santu Divinu,
Fizu de su Deus Eternu
A su Babbu coeternu,
Partu de s'eternu sinu,
Aparet oe mischinu
In custu campu mundhanu

2. Cun caridade infinita
Intrínseca e naturale
Su Fizu, a su Babbu uguale,
tenzesit in mente iscrita
Ab aeterno sa visita
de s'ómine malesanu.

3. Sendhe già feridu a morte
O mortu cun su pecadu,
Ómine disisperadu,
Si cheres chi tiaconorte,
Oe ses vàlidu e forte
cun sa gràtzia vivu e sanu.

BENENNIDU SEGNORE

(Testo di M. Pudhu, melodia di G. Orro)

Benibénniu, Segnori, a domu mia!
Bollu ch'innòi nci bivas sempri Tui
E siat custa totu domu tua!

Benibénniu, Segnori, a domu mia!
Ti ses dignau Tui, Eternu Amori:
As tentu dolu de su pecadori,
As tentu dolu de su mali miu!

No tengu incensu e mirra e no teng'oru,
Ma intra, beni e pigadí su coru,
Chi siat regnu tuu su coru miu:
De Amori prenas Tui s'ànima mia!

Benibénniu, Segnori, a domu mia!
Donamí una cincidha 'e luxi tua
Chi bandi avatu tuu in su caminu
E tenga sempre a Tui in cumpangia!

Benibénniu, Segnori, a domu mia!
De fortza tua càncua pimpirida
Ti pedu de agiudu ch'in sa vida
Bandì cun Tui cun sa cruxi mia!

Benènnidu, Segnore, a domo mia!
Cherzo ch'inoghe che istes sempre Tue
E siat custa totu domo tua!

Benènnidu, Segnore, a domo mia!
Ti ses dignadu Tue, Eternu Amore:
As tentu dolu de su pecadore,
As tentu dolu de su male meu!

No tenzo incensu e mirra e no tenz'oro,
Ma intra, beni e lèadi su coro,
Chi siat regnu tou su coro meu:
De Amore prenas Tue s'ànima mia!

Benènnidu, Segnore, a domo mia!
Dònami un'ischentidha 'e lughe tua
Chi andhe ifatu tou in su caminu
E tenza sempre a Tie in cumpanzia!

Benènnidu, Segnore, a domo mia!
De fortza tua carchi pimpirida
Ti pedo de azudu ch'in sa vida
Cun tegus andhe cun sa rughe mia!

M.Pudhu (2008)

BENENNIDU SEGNORE

G.Orro (2009)

Calmo ben declamato

OMINES

gno-re, a do-mo mi - a!

gno-re, a do-mo mi - a! Do_ na-miu'-i-schen - ti dae lu-ghe tu - a chian-dei-fa-tu

4. Be - nén-ni- du, Se-

tou in su ca - mi - nu e__ ten-za sem-pre_a tie in cum-pan - zi - a! Be - nén-ni- du, Se-

gno-re, in do-mo mi - a! De for-tza tu - a car-chi pim-pi - ri - da ti pe-do de a-

gno-re, in do-mo mi - a!

Coda

zu-du ch'in sa vi - da cun te-gus an-de cun sa ru-ghe mi - a! Be - nén-ni- du, Se-

Be nén-ni- du, Se-

gno - re, a do - mo mi - a! Cher - zo ch'i - no - ghe ch'i - stes sem - pre

gno - re, a do - mo mi - a! Cher - zo ch'i - no - ghe ch'i - stes sem - pre

Tu - e e si - at cu - sta to - tu do - mo tu - a!

Tu - e e si - at cu - sta to - tu do - mo tu - a!

NOTI DE PAXI
(Astro del ciel, trad. di Gianni Loy)

NOTI DE PAXI, de cibixia
 Su siléntziu est in totue
 Mancu folla si movit prus
 Cun ispantu abetendi a Gesùs.

*Su pipiu 'e sa gruta
 est su Segnore cun nos,
 su pipiu 'e sa gruta
 issu est s'Emmanuel. i*

Noti de paxi, calat sa nie
 Candu naschet su pipiu
 Ddu calentan dus pegus ebbia
 Tenit fritu e non narat titia.

Su pipiu 'e sa gruta ...

Noti de paxi, de cibixia
 Un'isteddu artu in chelu
 Accumpangiat su cantu 'e Maria
 Candu cantat sa prima anninnia.

Su pipiu 'e sa gruta...

NOTE DE PACHE, de ghidhighia”
 Su siléntziu est in totue
 Mancu foza si movet prus
 Chin ispantu isetandhe a Gesús.

*Su pitzinu 'e sa gruta
 est su Segnore cun nois,
 Su pitzinu 'e sa gruta
 issu est s'Emmanuel.*

Note de pache, falat su nie
 Candho naschet su pitzinu
 Lu caentan duos pecos ebbia
 Tenet fritu e no narat titia

Su pipiu 'e sa gruta ...

Notte de pache, de ghidhighia
 Un'isteddu artu in chelu
 Accumpanzat su cantu 'e Maria
 Candho cantat sa prima ninnia

Su pipiu 'e sa gruta...

TUI CALAS DE SU CELU
(Tu scendi dalle stelle, trad. di Gianni Loy)

Tui Calas de su Celu
 Deus beneittu
 po nasci in una grutta
 a passai frittu

*O Gesùs fillu de Deus
 ca ses béniu po si salvai
 su mundu intreu
 accudit a sa grutta
 a t'adorai.*

Tui chi su mundu intreu
 as creau
 in terra mancu domu
 as agattau.

*O Gesùs fillu 'e Maria
 ca ses béniu po si salvai
 un'anninnia
 andaus a sa grutta
 a ti cantai*

Po tui chi de su mundu
 ses s'architettu
 no c'est in custa terra
 mancu unu lettu.

*O Gesùs su pipieddu
 ca ses béniu po si salvai
 unu manteddu
 curreus a sa grutta
 a ti portai.*

INNO EN CLARA VOX
(trad. di Gianni Loy)

1. En clara vox redárguit
Obscura quaeque pésonans;
Pròcul fugentur sómnia,
Ab alto Jesus prómicat.
2. En Agnus ad nos míttitur
Laxare gratis débitum,
Omnes simul cun lácrimis
Precémur indulgéntiam.
3. Beátus Auctor saéculi
Servile corpus índuit:
Ut carne carnem líberans
ne pérderet quos cóndidit.
4. Cástae Parentis víscera
Caelestis intrat grátiá:
Vénter puéllae bájulat
Secreta quae non nóverat.
5. Dómus pudici péctoris
Templum repente fit Déi,
Intácta, nésciens vírum
concépit alvo Fílium.
6. Deo Patri sit glória,
Ejusque soli Fílio,
Cum Spíritu Paráclito
In saeculorum saécula.

Amen.
1. Cun boxi crara nos at nau :
“A ndi bessi’ de su scuriu.
Po si salvai de su peccau
apu mandau a fillu miu”.
2. S’Angioni de Deus donau
est béniu a nos liberai
Dogna cristianu ingenugau
perdonu depid’implorai
3. Su Creadori Deus Babbai
carena ‘e omni at pigau:
Po totu podiri salvai
s’umanidadi ch’iat creau.
4. Grazia celesti at fecundau
Su sinu de sa bagadía:
Un grand’ispantu at inserrau
In is intragnas de Maria
5. Tempiu de Deus est diventau
Su sinu castu, immaculau,
Chena peccau at illierau
S’angioni chi nos at salvau
6. Siat glória a Deus su *Babbu*
siat glória a Deus su *Fíllu*
siat glória a s’Ispíridu
impari in is séculos.

Amen.

BENÈNNIDU
(testo di M. Pudhu; melodia di P. Marras)

Benènnidu, Segnore, a domo mia!

Cherzo ch'inoghe che istes sempre Tue
E tenza sempre a Tie in cumpanzia!
Benènnidu, Segnore, a domo mia!

Ti ses dignadu Tue, Eternu Amore:
As tentu dolu de su pecadore,
Tue de sa vida nostra lughe e ghia,
Benènnidu, Segnore, a domo mia!

Benènnidu, Segnore, a domo mia!
Dònami un'ischentidha 'e lughe tua
in tempos de assulenu e de traschia.
Benènnidu, Segnore, a domo mia!

As tentu dolu de su male meu!
No tenzo incensu e mirra e no tenz'oro,
Ma intra, beni e lèadi su coro,
chi durche m'at a esser su recreu.

De fortza tua carchi pimpirida
ti pedo de azudu in custa vida,
Pro chi cun tegus andhe e sempre sia!
Benènnidu, Segnore, a domo mia.

CELESTE TESORO
d'eterna allegria
Dormi, vida e coro,
reposa, anninna

Lettu de brocadu
 non ti preparesi,
 su fenu ti desit
 lettu duru e siccu,
 sende su pius riccu
 potente segnoro!

Dormi fizu amadu
 dormi cun dulzura,
 non tenzas paura
 d'esser perturbadu,
 o verbu incarnadu
 in sinu 'e Maria.

Cale bella sorte
 m'at accumapagnadu,
 tennifer su fizu amadu
 in sa celeste corte !
 Pero m'est pena forte
 si penso a s'agonia.

Gemidu impaziente
 chi nd'ispiccat su coro
 amabile tesoro
 sole rilughente,
 dormi dulcemente
 cor'e anima mia.

Cand'a mie ti miras
 cun sa corona 'e rosa,
 cun sa bucc'amorosa,
 nara prite suspiras?
 Dormi, chi ti olvidas
 de dogni tribulias.

Ispiritos divinos
 anghelos e santas,
 benide totu cantas
 cun sos serafinos
 e faghida festinos
 chi dormit vida mia.

Musica divina
 zelete milizia
 canta cun deliziasona
 peregrina,
 istella matutina
 faghe cumpagnia.

Coros angelicales
 virgine beatas,
 faghida 'oghes gratas,
 o viventes mortales,
 cun cantos musicales
 e grata sinfonia.

Dormi in sinu miu,
 dormi fizu de oro,
 na hapas dubiu in coro
 non tenzas piùs aziu,
 o dovinu pipiu
 dormi cun melodia.

Reservadi su piantu,
 dormidi, bene meu,
 caglia, fizu de Deu
 no, non piangas tantu,
 refrena su piantu
 prite tant'agonia?


Cal'est su sentimentu
 chi t'istat perturbende,
 dormende e vizilende
 pienu 'e pensamentu?
 Cust'est pena e turmentu
 in die de allegria.

Dormi a sa melodia
 chi ti faghet su Chelu,
 dormi senza rezelu
 dormidi, vida mia,
 anzone immaculadu
 de su mundu ispettadu.

Pro chie t'hat in coro
 fiore est de cumentu,
 ses vasu de arghentu
 pienu 'e flores d'oro,
 ses unicu ristoro
 de s'anima mia

Candore immaculadu
 de lughe sempiterna,
 sabidoria eterna
 Fizu 'e Babbu increadu,
 dormi, fizu istimadu,
 in sinu 'e Maria.

Dormi vida e coro,
reposa, anninnia.



FONDAZIONE SARDINIA
CAGLIARI

con il contributo di:



REGIONE AUTONOMA DELLA SARDEGNA

Assessorato alla Pubblica istruzione, Beni
Culturali, Informazione, Spettacolo e Sport

Patrimonio culturale
SARDEGNA

